

書

畫

鑑

影

書畫鑑影卷二 卷類

利津李佐賢竹朋編輯

宋

○董北苑羣峯雪霽圖卷

前額

董北苑羣峯雪霽圖真蹟

行書無款乃
董文敏題

絹本尺寸失記墨筆中鋒通幅雪景落筆渾古簡淡而村舍俱畫正面主峯中立迤東迤西兩雨相稱不作偏欹之勢尤畫境所罕見者無款後有董文敏跋行草書係丙子

六月七日所作者失記

卷前後

朱文

令之清玩

長方印

文

中山王孫東園徐天賜珍

藏記

印

張伯起印

印

阮懷珍藏

印

鳴鳳閣印

印

徐印國本

印

虎孫

印

杜村清賞

印

括陽郡圖書記

印

崑山徐氏鑒藏

印

此卷余昔年於閩中梁荏林中承家見之當時失記茲就
退菴題跋錄入云此卷以董思翁鑒定爲真蹟要非北苑
不能也思翁丙子所作跋筆意極潦草闌珊然非贗蹟蓋
思翁卽終於是歲故不免心手雙乖也北苑手蹟經今近

八百年而絹素完好如此其皴法高古渲染深厚不能尋其筆墨之痕可稱神品惟元宰收董畫四本以四源名其堂自言爲瀟湘圖秋山行旅圖又二圖卽宣和譜中夏山秋山二圖皆言不及雪景而宣和譜載御府所藏董畫七十有八中有羣峯雪霽圖當卽此卷思翁得此最晚故匆匆題識不及收之四源堂歟每讀董跋中出山三載宦遊往返八千所得清曠賞心之樂惟此最勝云云與余情景相似

○僧巨然萬壑圖卷

絹本高一尺八寸八分長一丈有七寸八分墨筆起手平
岡迤邐沙岸潌洄流泉百道水面成紋兩人起罾取魚對
岸漁莊在煙靄中中段岡巒起伏林木叢生山坳水榭中
有人立山後飛閣凌霄浮圖插漢山前行旅一人推車一
驢馱囊二人隨行下藏柴扉村舍上露梵宇山門後幅澗
水懸流水磨橫跨人在室中澗外長橋跨水一人驅犢過
橋橋盡處瓦舍連楹一客閒坐一童侍側對岸長嶺無際
亭右轟礮無款

卷前

朱文

宣和殿寶

方璽

御覽

牛方璽

紹興

方璽

與

聯珠

孟津

王鑑世寶長方印 琅邪世家方印 墨蔡京珍玩方印 白袁

培鑒賞方印

卷後朱文御府寶藏方印 德壽殿書方印 慶方印 李氏珍秘

方印 白小埜審定方印

前界綾朱文袁培所藏方印 李氏愛吾廬收藏書畫記方印

白文習靜軒印長方印

附舊題簽二

巨然萬壑圖神品 三胞第一陶世世珍藏 兄鐸書行書

巨然萬壑圖隸書 嘉慶六年立秋日汀州伊秉綬獲觀於

羊城因題

行書
一行

後界綾

朱文

袁培所藏

方印

白文

小埜審定

方印

曾爲北平李

季雲收藏

方印

前額

朱文

邱宋肇審定真蹟

長方印

縣津山人

方印

白文
袁

培鑒賞

方印

小埜審定

方印

後另紙跋

□郊山野坡陀闊林遠煙疎澹天末抨分羣町暮潮上星點

漁鄉夜梁活閘荆大圖矜秀拔取巧施工不精絕氣完萬象

無不括維摩手爲巨然奪江郊或覺走人物鏡籬豈更圖牛

羯沕渟漩泐開龍閔汨入溘翻下鯨呖楠盤或是少陵宅廬

深恐有詹何客黃塵蔽天歸興浩時向虛齋一開滌行書十一
四行

押尾

朱悅生
壺盧
印

□國公印

方印

題後

白文
袁小荃藏書畫金石印

巨然筆往往根萬陸探微荆浩董源鬆秀雅靜別有元曠幽
峭之致觀之似吾潭頭鳴皋一帶溪林宣和紹興德壽殿蔡
京諸印秋壑手書七古字勢候米海嶽詩類韓昌黎李義山
亦錚錚別調非平薄酸俗一路比也秋壑猶獲暴著固不以
人廢也哉若巨僧墨妙無人不歎其寶自古詩文字畫原有

定價卽善紙工忌媚者豈竟謂鸞鵠與魚獨類也耶三弟鑰世守此卷與數軸皆千古至寶勿輕示不知者觀也

庚寅二月

廿三

兄王鐸跋于松華軒中時年六袞

小楷書
七行

押

尾

朱鐸方印

白覺之氏方印

跋尾

朱袁培所藏方印

題巨然山水三弟所藏奇卷何時有山山疊嶂長成崎嶇離少壯不由天地卻由腕腕下轉折相擊撞水摩氣噓生雲煙日光鑿礪排石浪山靈勢與太清警晝夜風霆多無狀影動心胸搖天河獬子猷孫育天上橋橫寺古類永嘉嗅芝龍窩

低雁宕華蓋武夷乃其亞差連白嶽與秦望參差藥井穴牛
空鬼嘯奇嵐數百丈絕磴樵人畏嶮怪稍落沙衍開清曠我
欲耕鑿屋邊雲赤腳晚釣鼈潭漲不暇考譜撫號鐘千齡老
鶴鳴蕙帳巨僧啗毫天機深荆浩董源爲師匠三弟愛此心
髓洽腹聲劍珮皆俗障時卷時舒神鬼集地響峯移皆非相
虛明畢光收心中社稷江山莫怙悵爾畫亦有少壯老布衣
青藤識趨向 順治七年二月十六日日莫胞長兄王鐸題
并書 行書二 押尾 白 王鐸之印 方 津浦鵬煙 方
題後 朱 葉志詵及見記 印 白 小埜審定 方 袁培之 印

印方

是圖定爲巨師真蹟有識者共見不誤致辨尾紙七言古風
一章乃米老英光集中題巨然海野圖詩其與原詩不同處
海作山生作上澍作活眞作精活作括老筆作手爲橋防忽
作江郊或來作走肯作豈淵作泓浪作漩疑作或結作浩而
絕非米書末有秋壑二印王覺斯跋遂以爲賈詩且標題作
萬壑圖又不知其何本或者米詩賈書用成王氏之誤耳

道光乙巳十二月得此丙午四月望日記

北平李恩慶

眞行

書八

押尾

朱季雲

方印

題巨師海野圖和米老韻 心靈徑寸翻遼瀾千里萬里躡
毫末靜虛懷抱物無競雲峯忽流煙樹活遠村高岸恣迢遞
巨壑連岡落新絕我師或是運圓相全力將毋龍象奪世間
神物有鬼守茲圖幸不淪羣羯畫家津梁能得此萬竅下風
從一映觀者堵牆試開覲汗漫天游供座客杉風吹香竹雨
集應爲煩襟助洗滌 丙午閏夏初十日 寄雲 押
尾白臣慶私印方

宋僉人如蔡京蔡卞章惇梁詩成秦檜史彌遠之屬皆以能
書見於傳記未有及賈似道者此米海嶽題巨師海野圖詩

之非賈書一也古人自書己詩興之所至不必一同若追錄前人詩則未有點竄者今此詩證之英光集字多改易其非賈書二也是書運筆陡健竊舉半閒堂中客如廖羣玉者亦未足辦此其非提刀之賈書三也然則其爲大米書無疑矣當時收藏家以米詩亦爲巨師而作故合裝於萬壑圖之後孟津再誤眞不足辨按賈所刻閣帖絳州潘氏帖並有葫蘆印此海野圖詩後亦有葫蘆印然則其爲賈藏之米書更無疑矣錢塘許乃普借觀三日漫識於後季雲知我幸無嗤其強作解事也

楷書十一行

押尾朱文臣許乃普

方印文 滇生過

眼方印

前書米詩雖竭力追米而點畫使轉有僵直浮剽之弊無虛和跌宕之姿何從望海嶽之塵瀛生司空據宋僉人多擅書名而似道不與以爲是米非買之斷余謂此書固不足擅名也米書之說終乖鄙見孰得孰失留質後來 戊子七月廿

四日寄雲再記於長善去惡樓

行書
七行

押尾

朱白
文

李季雲

方
印

巨師畫流傳已少況此卷千巖萬壑令人應接不暇而元氣渾淪筆墨之痕俱化尤希世之寶也圖中景物於海野二字無取王子孟津改爲萬壑圖不爲無見米詩既非題此圖則後

人將詩畫合裝之說似無可疑然運筆欠超必謂米老所書殊未敢深信此圖舊藏吾鄉袁氏後爲吾宗季雲兄所得余曾得寓目今季兄已歸道山展卷重閱能無人琴之感耶

利津李佐賢跋

行書
□行

余近閱式古堂畫彙考載巨然海野圖並米題詩詩云江郊海野坡陀濶林遠煙疎淡天末杳分綦町暮潮發星列漁鄉夜梁湑荆關大圖矜秀拔取巧施工亦眞絕意全萬象無不活維摩老筆巨然奪橋防忽覺來人物接籬肯更圖牛羯淵亭浪伏開龍閱汨入壑翻下鯨決楠盤疑是少

陵宅蘆深恐有詹何客黃塵蔽天歸與結時向虛齋一開
滌楚國米芾書此詩與此圖所書不同者廿一字而有米
書欸可見巨然自另有海野圖與此圖無涉而題此圖之
非米書可不辨而明矣附記於此

○蔡忠惠書謝御賜詩卷

紙本高一尺二寸餘長一丈有六寸紙凡四接字徑寸許
臣襄伏蒙 陛下特遣中使賜臣御書一軸其文曰御筆賜字
君謨者臣孤賤遠人無大材藝 陛下親灑宸翰推著經義俾
臣佩誦以盡謨謀之道事高前古恩出非常臣感懼以還謹撰

成古詩一首以敘遭遇千冒 聖慈臣無任感荷兢榮之至

朝奉郎起居舍人知制誥權同判吏部流內銓上騎都尉賜紫

金魚袋臣蔡襄上進

自朝奉郎至此
爲一行字較小

皇華使者臨清晨手開寶軸香煤新
泐名與字發深旨宸毫灑
落奎鉤文精神高遠昭日月勢力雄健生風雲
混然氣質不可

寫乃知學到非天真
緘藏自語價希代誰顧四壁嗟空貧
臣聞

帝舜優聖域皋陶大禹爲其鄰
吁俞敕戒成典要垂覆後世如

穹旻 陛下神明如舜禹豪英進用司鴻鈞
臣襄材智最駑下

豈有志業通經綸獨是丹誠抱忠朴
常欲贊奏上古珍又聞孔

子春秋法片言褒貶賢愚分考經內省莫能稱但思至理書諸
細乾坤大施入洪化將圖報効無緣因誓心願竭謨謀義庶裨

萬一唐虞君

楷書共三十一行

詩前

朱文

乾隆御覽之寶

長圓

石渠寶笈

長方

永瑤

方印

亳州何氏珍藏

方印

白慎餘堂書畫印

長方印

中山

父印

方印

王芝私印

方印

又押縫半印四不辨

詩後

朱文

王芝

長方印

喬氏簣成

方墨印

白儀周鑑賞

方印

喬氏私印

方印

王芝私印

方印

押縫

朱文

華亭黃氏家藏圖

書

口印

黃

口公方印

前隔水綾

口朝鮮人印長方

安岐之印

方印

後另紙跋

芾於舊翰林院曾觀刻石今四十年於大丞相天水公府始

觀真蹟

書學博士米芾

行書四行

跋前

朱文

安儀周家珍藏

長方印

又方印不辨

白文

白陽之

印

方印

伯和

方印

建康秦鉢

方印

押縫

口珍秘印

子孫

保之

方印

大觀三年仲冬上休日青社郡舍之簡政堂觀

河南文及

甫書

口書三行

昔人謂公書三公衣衾冕立赤墀之上今觀此帖使人肅然
增敬固應與顏柳同年而語可不珍藏耶 甲寅六月上休

日三吳禪客

口書三行甲寅
以下雙行夾寫

後跋押縫五印未錄

姨弟趙德夫昔年屢以相示今下世未幾已不能葆有之攢
之悽然 汝南謝克家癸丑九月十一日臨安法慧寺

口書
四行

舅家物藏之久矣今得觀於橋李良可歎也 乙丑四月三

日崧謹識

口書
三行

蔡忠惠公書爲趙宋法書第一此玉局老語也今觀此帖藹

然忠敬之意見於聲畫又不可與茶錄牡丹譜同日言也

鮮于樞獲觀謹題

五行書

押尾

白鮮于樞印

文伯及父

白印

僕來杭多獲觀前代名公法書此卷法度嚴密無一豪放縱

意於此可見古人用筆不苟也

吳興趙孟頫謹題

口書四行

余嘗在秘府讀君謨文集閱其所上謝賜御書詩深歎其君

臣相遇之盛也及觀所書荔支譜字畫臻妙每與同列歎其

博物之精而又惜其與武夷粟粒同一用心之勤耳雖然君

謨嘗自珍愛其書謂有翔龍舞鳳之勢觀此書其言當不虛

也識者解之

豫章胡儼書

口書六行

押尾

白文大有成章印

鴈堂讀蔡端明集其載所上謝御書詩一首并答詔有云卿
詞令根于溫厚筆力極于深妙導皋陶之謨而懋其稽古思
帝舜之事而思其底績宣明順美良深嘉歎其君臣之義文
字之美皆不待言而可知也詔當在其家類集者故并得之
今此詩真蹟當在宋祕府不知何時復流落人間考其上之
歲實仁宗皇祐四年壬辰距今永樂四年丙戌春秋三百五
十有五年矣中間宋元叔季四方之亂極矣鼎遷社屋海濱
山移而一紙之書世傳寶之翰墨騰騫光輝如昨夫豈徒以
其書之善也哉侍郎黃公請余題識爲作詩二首 汴水東

流宋鼎移中郎名字日星垂精神翰墨猶生氣想見彤庭諫

諍時 端明書法繼鍾王佩玉瓊琚在廟堂見說當時推第

一米家應自愧疎狂 翰林學士兼春坊大學士廬陵解縉

紳書

行書十
三行

押尾

口言忠信行篤敬
方印

書以羲之蘭亭爲盡善蓋等閒文雅也觀忠惠公眞蹟非獨

筆法精妙玩其詞一代明良相契告誡謹勅忠厚視等閒文

雅不可同年爲語明矣公虞得而祕藏之其能以忠惠公之

心爲心又明矣 洪武壬午歲長至後九日新安吳牧書

書

行五

按宋史仁宗皇祐四年蔡忠惠公襄除起居舍人知制誥兼
流內詮至和二年由樞密直學士知泉州今觀公所署銜則
此書作於皇祐至和之間無疑矣當時寶之至四十年米芾
始得見其真蹟今且三百五十餘載而猶不泯余不知其凡
歷幾人而爲侍郎黃公所得耶噫東坡論趙宋書法以公爲
第一信哉 會稽宋洵口書九行 押尾口文忠嘉子孫印方 宋氏
文忠印方
蔡端明書最嚴重可敬畏者也在當時猶稱不妄爲人書則
其流落人間者蓋鮮况距今數百年得獲觀此答仁宗筆劄

誠希世之奇器已黃公宜寶之 永樂二年冬十一月二日

會稽劉真識行書 押尾文劉真私印方 劉氏錫印方

陽明書舍方印

昔人謂公書爲宋第一近從祕閣獲觀公所書荔支譜其言

信矣今觀侍郎黃公所藏答仁宗詩筆精墨妙神采端嚴令

人敬悚是又當與唐諸名家相頡頏矣可不貴哉 永樂甲

申冬十一月尹昌隆識書 七行

人材與元氣相爲盛衰故時遇治隆則人材輩出非惟德業

文章焜耀一世下逮字畫餘藝亦皆精妙絕倫今觀宋蔡端

明所答御書古詩一首詞意既極醇美而其筆力嚴重如冠
冕佩玉周旋殿陛間求之晉唐諸名書家未可多得豈非誠
有關於當時元氣者哉嗚呼事有難恃而禁祕之物不免流
落江湖爲好古者傳玩此聖師所以有文獻不足之歎而深
致意於杞宋也侍郎公尙寶藏是詩以爲後來取徵者之一
助云 永樂五年春二月望日浦江趙友同謹識口書九行 押
尾名印未錄

蔡忠惠公宋朝上等人物品其才德俊偉光明故其登於翰墨
者亦精妙不苟如公輸之運斤王郎之執御舉動轉折無一

不合軌度以之班歐虞而儕顏柳誰能伯仲哉 永樂乙酉

孟冬三日星州夏原吉書 口書 五行 押尾 白文 夏原吉印 方印 白文

惟詰 方印 白文 謙益 方印

蔡忠惠公書名重當時上嘗令寫大臣碑誌則以例有資利
辭曰此待詔職也與待詔爭利可乎力不從竟已其人品如
此其書之莊重凡落筆皆然豈以御前表書始不苟耶謙益
宮傳先生得此甚加珍惜蓋非特重其書重其人也 長洲

吳寬題 行書 六行 押尾 口原博 方印

端明上此詩爲仁宗皇祐四年是年遷起居舍人知制誥兼

判流內銓此載在文忠歐公撰公志今詩前署官正與志合
公草書法二王余得數卷若真隸獨此獲見於趙叔度家蓋
顏柳兼樂毅東方碑筆也志云公工于書畫畫則幾于無李
論矣米元章一跋極神雋買王得羊尤可快幸大雪中展玩
便覺辟寒犀減價十倍甲辰臘月叔度坐雪弇山園寄示此
卷呵凍題陳繼儒

行書
八行

押尾

白文

儒

聯珠
方印

蔡君謨此詩學韓昌黎石鼓歌此書學歐陽率更化度碑及

徐季海三藏和尚碑古人書法無一筆無來處不獨君謀也

董其昌觀因題

行書
六行

押尾

白文

知制誥日講官

長方
印

文

董其昌印方印

跋前兩紙接縫俱有合同印後數紙接縫俱有儀周珍藏印

○燕□貴山店春晴圖卷

絹本尺寸失記工筆青綠設色前幅巨嶂排空晴雲含湧懸泉怒飛長松密林冠崖襟壑梵宇危巖標出天半緣山跨澗棧道盤紆驅與徒者凡三人山店二區村雞在棲牧馬散野坐與立者亦三人聯轡陟阪徒步前導與從者共四人僕而扶掖者二人騎而度橋者二人從者三人山亭

枕巖相向坐者三人後幅山平川廣密箐叢薄間野屋雜
錯坐當戶者一人支箔爲屋聚而漁者四人婦孺老壯或
攜而行或杖而立或坐而飯羣飲於岸上者九人旁有吠
犬醉而歌者一人舟之泊者凡四舟中男子一婦人五童
子一大舟行者二舟載男子五婦與童各三小艇七載二
人者五載一人者二艇之泊者遠近各一遠洲銜山葭茨
蒼茫漁莊半隱橫江雅陣萬點翻飛傳色濃麗用筆細勁
實開仇十洲之先路無欵後有宋思陵標題

燕口貴山店春晴圖

書一行

押尾天下一人押

朱內府圖

書

方壘 前標題文同
後押尾印異未記

前後鑒賞印六均未記

後另紙跋

東風吹花新雨晴微茫山影開雲屏泉聲有無隔幽竇嵐光
遠近排空青春風小店溪橋側過客停驂看晴色日華歛歛
因物榮芳草萋萋爲誰碧五更朝下承明廬大香滿袖登游
車十年未著謝公屐似與岡巒識面初歸來摩挲醉吟目不
唱商巖紫芝曲何處有山如此圖移近蓬萊翦濃綠 雲門
山人張紳口書 押尾印三未記

江上春山翠作堆江頭春水綠於苔何人息騎尋山店可是
看花谷口來 茶陵李祁

口書口行

押尾印一未記

燕口貴山店春晴圖宣和內府標題真蹟玩其筆意故自不
同也 中書舍人米芾審定

口書口行

押尾印二未記

跋尾如琴書室眞賞耿會侯鑒定書畫之章三印均未詳
記

○宋復古輦洛小景圖卷

絹本高一尺三寸九分長二尺六寸七分巖岫盤錯夾澗
臨流右崇左伏橫流中斷聯以小橋大山涵蓋層巒危聳

遙遙對峙寒林落木連山彌谷荒墟野村高下相望嵐氣
四合踐徑微茫歸人踽踽蹢躅於蒼煙暮靄之中無欸

卷前後有乾隆內府二璽又朱文奉華堂半印瑤暉堂印
賈似道悅生壺盧印封字印及志賢堂印又龔孝升孫退
谷梁蕉林安儀周等共十四印又殘缺不辨五印均未詳
記

另紙題跋

靜深元澹巨然同一根矩 己丑十二月王鐸爲北海老詞

社題世世寶藏

以下題跋字體
行數均失記

宋復古得摩詰之祕此卷曾入宋內府印款俱有左驗彥廉其寶藏之 齊郡張紳題

宋迪字復古洛陽人由進士爲郎善松石此卷林徑窮深煙嵐開合蓋卽鞏洛之景而摹寫也曾入紹興內府故思陵題識尙存世傳宜和所藏未免白玉微瑕非若紹興精選復有劉宸妃奉暉寶藏之印又神品上上今圖後有奉暉瑤華堂印信爲秘玩也彥廉其寶諸 汝陽袁華書於陳氏之春艸軒

雲煙淡容與岡陵岌奔騰修途繞巴蛇歸人如凍蠅宋侯天

機深遊戲精藝能風流各異代卧游聊曲肱 倪瓚

落日下嵐嶺行人逢已稀隔煙望田舍應未掩荆扉鳥亂夕

陽暗草多秋逕微家人應

此字衍

知候我賣畚郭中歸 渤海

高啓

一望秋嵐似春路迷入谷無因夕陽欲雨未雨別嶺歸人幾

人鐘斷鳥沈僧鳴炊殘雞唱樵鄰峯迴忽見月出稚子相候

此字衍迎澗濱 蜀郡王彝

深谷含夕暉幽居入林迴澗底采芝還臨流見筇影松鶴已

先歸蘿扉掩微暝 張適

青山鞏洛舊林園彷彿昇平古意存
雨外人歸秋葉浦煙中
鳥下夕陽村昔年題字宸光合
今日披圖野興繁風景西湖
仍不異惟餘故老說中原
吳郡謝徽

山村晚色秋離離蕭條郭西初出時
煙嵐莽蒼家住遠道路
詰曲人歸遲重擔緣崎氣促急薄袂迎寒風倒吹鄰樵偶值
得相問到門此夜如何其
蘇人王行

曾入思陵內府藏瑤琨細軸舊裝潢
山頭怪石如蹲虎谿上
行人似散羊鵲谷逶迤迷短草鯨波起伏見層岡
至今玉璽分明在猶帶宣和雨露香
東海鈞鼇客陶振

復古運意高妙筆墨清潤大抵多師法李成議者謂李成得山之體貌古今第一則復古之高妙有自來矣袁子容先生精於鑒畫以有奉華堂印知爲思陵所藏時劉夫人侍高宗掌內翰文字居奉華堂故以其印識之後爲陳氏彥廉所得自季迪諸公題識以來又幾十年矣先觀復古之畫後觀復此字諸公之作恍然寘我於林壑窈窕之間與行旅相逐於歸途也品在神妙不亦宜乎致翰林國史修撰事承務郎東吳張洪識

題跋款識鑒賞押縫印共計二十八方未詳記

愛吾廬書畫記云攷孫退谷銷夏錄載復古與兄道俱以能畫名而復古名更噪家於洛中故好作鞏洛之景此卷邱壑深窈煙嵐淡靜深得李成惜墨如金之法曾入思陵內府故卷首有奉華瑤暉堂印後題跋詩多佳余尤愛倪雲林詩云云水西道人書畫題跋標題爲鞏洛小景圖其時謂思陵籤題已泯凡畫中題跋一一具載後惟增一王孟津跋奉華堂印及賈氏封字印僅存後半不知闕於何時安氏名畫錄載宋迪秋山圖絹本高九寸八分長一尺八寸有奇水墨山水師李成後袁華跋中寫鞏洛之景有

宋高宗題識此圖氣韻蒼茫意趣閒遠有惜墨如金之妙
前宋綾隔水鈐押大小舊印三方本圖前上半一小印下
角押一朱文大印皆難辨卷中上押瑤暉畫府朱文大印
後綾隔水鈐悅生胡盧志賢堂等印隔水接紙後鈐朱文
奉華堂印下鈐朱文封字大印王覺斯一題字甚醜古後
押瑤暉堂印又張紳袁華倪瓚高啓王彝張適謝徽王行
陶振張洪題識考復古真蹟近世所傳絕少此卷有奉華
瑤暉印章及元末諸公題詠宜爲宋卷中之錚錚者跋云
有宋思陵題識今已無存

○米襄陽書唐詩卷

紙本高一尺九寸二分長二丈有八寸紙凡三接字大經

五六七八寸不等筆勢飛動縱橫馳驟揮灑自如

攢石當軒倚

起至

應在醉中歸

止

玉環騰遠劍

起至

從此遂韜

聲止

襄陽湯仕米芾書於海岱樓

行書三十三行

押尾

朱文

楚國米芾

方印

卷前

朱文

殿寶

半方璽

李氏珍祕

方印

又方印不辨

白石文

門珍玩

方印

白璽

半方印

卷後

朱文

保和璽

半方璽

子韶過眼

方印

朱文

李恩慶

方印

白石文

山陰布衣

方印

季雲審定真蹟

方印

愛吾廬珍藏印

方印

後另絹跋

余嘗敘米書如仲由未見孔子時氣象然縱橫跌宕惟變所適書家險絕為功庶幾有焉洞霄題余已付鉸每愛此書殊

有生動遂再書此 己未三月 董其昌

行書十
三行

押尾

白文

太史氏

方印

文董氏元宰

方印

絹尾

朱白文

李恩慶

方印

白文

愛吾廬珍藏印

方印

又另紙跋

道光十有九年六月望前五日北平李氏季雲恩慶獲藏

真書

行一

二十七年仲冬廿日記 遇此卷時驟見卽信其爲真蹟幾

閱十載然後敢自決鑒別古人豈得鹵莽從事哉

真書 五行

押

尾 朱廉吏之子 方印

此書凡落筆轉接處皆思翁百摹所不到斯境豈易得哉

次日慶又記 行書 二行

張涇南司寇學米書可謂竭盡全力矣張書用力處自形鼓

努米書用力處彌見虛和只此一間非到金丹換骨時不能

達也 戊申初伏日慶又記 行書 六行

○黃文節書劉賓客伏波神祠詩卷

紙本高一尺四寸七分長二丈五尺三寸九分紙凡八接
字徑二三四寸不等

經伏波神祠

蒙蒙篁竹下

起至

翻思馬少游

止

師洙濟道與余兒婦有瓜

葛又嘗分舟濟家弟嗣直因來乞書會予新病癰瘍不可多作

勞得墨藩

二字顛倒

漫書數紙臂指皆乏都不成字若持到淮南見

余故舊可示之何如元祐中黃魯直書也建中靖國元年五月

乙亥荊州沙尾水漲一丈堤上泥深一尺山谷老人病起鬚髮

盡白

行書共四十六行

押尾

白山谷道人方印

紙接俱用

朱魯直黃氏印長方

前額

朱文

天籟閣等項氏印

裱綾梁蕉林相國二印項氏

一印

押尾項氏五印

卷前

純廟鑒賞二璽成親王印二項氏印十八劉文清

印一

押縫魯直黃氏印一項氏二印又一印不辨

詩後項氏印四又各家鑒賞印二

自跋後項氏印十三又各家印六以上印均未詳記

按此卷已刻詒晉齋摹古帖

後跋在卷末本紙

張孝祥安國氏觀於南郡衛公堂上信一代奇筆也養正善

藏之乾道戊子八月十日

行書
六行

前後項氏四印未記

又跋另紙

右黃文節公書劉賓客伏波神祠詩雄偉絕倫真得折釵屋
漏之妙公嘗自言紹聖甲戌黃龍山中忽得草書三昧又云
自喜中年以來字書稍進此書建中靖國元年五月乙亥荆
州書於時公年五十有七正晚年得意之筆且題其後云持
到淮南見余故舊可示之何如元祐中黃魯直書按公嘗自

評元祐中書云往時王定國嘗道余書不工余未嘗心服由
今日觀之定國之言誠爲不謬兼用筆不知禽縱故字中無
筆耳字中有筆如禪家句中有眼非深解宗趣豈易言哉此
書豈所謂字中有筆者耶公元符三年自貶所放還建中靖
國元年四月抵荆南崇甯元年始赴太平凡留荆南十閱月
嘗有辭免恩命奏狀云到荊州卽患癰疽發於背脇毒痛二
十餘日今方稍潰而此帖云新病癰瘍不可多作勞正發奏
時也三十年前徵明嘗於石田先生家觀此帖今歸吳錫華
中甫中甫持來求題湯識如此嘉靖辛卯九月晦長洲文徵

明書

行書二
十四行

押印二未記

○李龍眠著色十六羅漢卷

前額

衆生無明誓願度煩惱無邊誓願斷此菩薩境界也四果羅漢永斷三毒興慈運悲願力欠在第所謂慈悲者若周公兼夷狄孔子作春秋殺以止殺恩生於害耳此圖御白羊車明非終教也大司馬王公雖身都將相而皈依象法不啻苦行頭陀然鐵鉞所如輒樂京觀祖佛周孔同歸一乘何言羅漢耶前史官董其昌題

行書二
十一行

押尾

白太史氏印

文白

董其昌印

方印

畫絹本高一尺三寸六分長一丈一尺四寸七分工筆設色羅漢凡十六乘羊車者乘龍者乘虎者乘兕者乘鹿者乘狡狴者乘獅子者乘天馬者乘異獸不可名者步行者手擎鉢者執拂者執香斗者執環者執各法器不可名者又隨行童僕各執器物者十一人一象居中馱玻璃圓鉢上有寶幢下垂瓔珞雖間有剝蝕而彩繪猶存無歟

卷前

朱文

胡實君監藏印

卷後

朱文

王霽口家珍藏印

方印

實君

長方印

白文

周亮工鑒定

真蹟

長方印

南耕精舍所藏

方印

後另紙跋

李龍眠畫往往自運則用澄心堂紙臨摹則於絹素此十六
應真圖設色高古神采飛動以爲臨支道元雜之六朝名手
殆不可辨真神品也先爲館師韓宗伯所藏每造請時輒出
此卷與道元它圖及張僧繇二十八宿真形圖展之斐几賞
玩移日長公太僕君與余易朱元畫一冊適丁南羽自新都
至屬其臨一副本竟不敢下筆然恨見之晚不勝咄咄耳

其昌識

行書十
八行

跋後朱文周元就借觀一過方印

竹朋鑒定長方印

胡氏小

琢藏書畫印長方印

引首朱文大寒堂初發意八角印

龍眠白描高手此獨設色精工真異寶也古人設色見素今

人設色見彩閱此卷始信 豫饒周亮工題於阮序行書四行

押尾朱白文周亮工印方印 朱元就方印

龍眠山人畫長安人家收藏至多皆贗物也余所見真本唯

蜀江勝概君臣事蹟及此而三龍眠早年工畫馬晚以畫佛

作懺悔專精詣極幾奪古人此卷閱世六百年毫髮不損若

有護持之者其所擇爲優矣人欲繫思於物以傳後不當若是耶 阮亭先生文章吏治爲一時冠邦江署中招棹園與

予飲酒半出此索題因識於後

長水曹溶

行書十
二行

押尾

白曹溶之印

方印

朱潔躬

方印

余家舊有陳老蓮白描羅漢卷從不著色中具種種法相今觀此圖神采隱然墨痕盡化如乘雲御風來自物外幡幢服御不可名象其畫苑之神物乎 阮亭先生命爲長歌余憊

且解纜聊記此語異日得因緣再觀當爲作歌補之也甲辰

嘉平月八日愚道人施潤章識

行書
六行

押尾

朱愚山
長方印

朱米堂章方印

歲丁亥游淮陰見一冊於封君家爲米元章所書西園雅集
記書在團扇上董文敏戲鴻堂所摹勒上石者也前有李龍
眠畫雅集圖水墨染渲是一尤物然未有如此圖之設色著
絳莊嚴端好神采飛動至此極也卷爲公家 大司馬所藏
流傳以畀法曹其亦佩刀之祥與司馬勲在旂常漣暫浸浸
枋用息其業而大之不遠也異日當爲公補書坡公羅漢贊
於後以續顛老西園之興法曹其許我否宣城屏提漢法名
大劍原名允甲和尚敬書眞書 七行 押尾朱文 漣名大劍方印 朱文

安隱幢

圖印

白文字祖命

方印

東坡先生深入禪觀故升沈顯晦所至倏然讀阿羅漢贊諸作足見其一切解脫矣阮亭詩翰風流追蹤古人猶慮其以成佛專認慧業今日手龍眠此卷竊有常不輕之願愧不能如和璞發食安得令當下了然耶時丙午花朝前五日平輿劉體仁書於京邸憶山堂

真書五行

押尾

朱白文

劉體仁印

方印

引首

朱文

傳經堂

長方印

此王大司馬所藏李龍眠十六應真圖也慈猛喜歎變熱姚佚所謂珊瑚舌珠火眉殆盡致窮神矣阮亭既奉爲世寶余

見其才氣籠罩一世齒舌間便具千幅輪相焉知非畫中太阿羅現身說法時乎 丙午嘉平雲間沈荃題於燕山客舍

行書 押尾 白文 沈荃之印 方印 朱繹堂 方印

引首 朱白文 先皇海內知文字識姓名 長方印

宋文憲論龍眠居士畫謂其合張吳顧陸之長用筆似篆籀雲行水流蓋言其藝也蘇文忠公之論則謂其神智與百工萬物交通作華嚴相皆以意造而合于物 物字旁點 菩薩得於心而形於手蓋言其藝也而本於道矣今觀儀部王阮亭家藏居士所畫十六羅漢筆如篆籀有雲行水流之勢夫非得心

形手意造而合者乎其爲藝也其爲道也非本於一貫者而能之乎又聞之文忠公羅漢慈悲急于接物其家藏畫像每設燈塗香供或化爲白乳凝爲雪膚桃李芍藥僅可指名故以海南所得張氏畫十八大阿羅漢作頌貽子由修敬集福今儀部公與其兄吏部郎西樵公俱山東之英妙然西樵需而出險阨亭困而能亨可不謂宏慈之力焉顧予以不才身世相棄而又患諸病苦蚤衰得白迺獲觀此像而題其後是亦猶文忠得羅漢于海南而困厄九死時刻迷空谷見師友豈非希聞之遇也

佛

易農董文驥沐手題

眞書二十行

押尾

白文董文驥印方

龍眠山人畫手起至文人慧業柳生肘止關里孔昭焜書

十行押尾白文東家印方昭焜私印方印

左下朱文小琢印方白文胡春華印方印

龍眠畫所見皆細筆白描此卷用筆較粗且著色洵絕無僅有之作今觀諸跋蓋明時爲韓宗伯所藏董宗伯以宋元冊易得之後又展轉歸於新城王大司馬其緣由跋內未詳玩思翁後跋蓋自藏時所書前題則歸王氏後所書櫟園以下跋皆爲阮亭所題然係漁洋家傳世守之物非新獲之物也

利津李佐賢跋 押印未錄

○李龍眠羅漢卷

絹本高一尺二寸三分長一丈五尺七寸五分工細白描
布景則奇峯巖劣怪石玲瓏瑤艸紛披喬柯盤曲迴非塵
世所有如來羅漢以及侍從共五十三人自右及左觀之
左向托鉢者一右向立者二坐椅者一憑几者二向左行
者二騎獸者二乘鹿車者一小峯前後共四人峯左二人
一伏地者峯後二人一執芝一托鉢騎虎騎鹿者各一隨
行者各一洞前趺坐侍坐者各一手執扇拂各物倚立者

三人欲過橋及在橋上者各一人對岸三人橋左迤邐向
左行者共十一人或拱手或抱瓶或捧書冊或負笈或拄
杖或捧鉢或捧鑪俱作朝拱狀對面如來高坐左右侍立
及護法者共八人欵在卷尾

龍眠居士畫

真書一行

押尾

朱龍眠居士方印

卷後

白西空居士方印

口口閣珍藏書畫之印

方印

○李龍眠九歌圖卷

紙本高一尺三寸長二丈三尺白描離騷九歌圖用筆細
入毫芒幾不易辨每段分題九歌詞皆吳柄篆書

前一段總題

九歌者屈原之所作也昔楚南郢之邑沅湘之間其俗信鬼而好祝其祝必使巫覡作樂歌舞以娛神蠻荆陋俗辭旣鄙俚而人鬼之間又不能無褻慢淫荒之雜原旣放逐聞而感之久觀爲更定其辭去其太甚而又因彼事神之心以寄吾忠君愛國眷戀不忘之意是以其言雖若不能亡嫌於燕昵而君子反有取爾

書行

第一段畫一人拱立後篆書東皇太乙歌詞文不錄以下每段俱篆書文俱從省不錄

第二段一人手執如意後書雲中君歌詞

第三段一人曳竹杖行後書少司命歌詞

第四段亦一人拱立後書東君歌詞

第五段一人引弓仰射後書河伯歌詞

第六段女郎乘龍又一人乘龜並行後書湘夫人歌詞

第七段女郎倚樹而立後書大司命歌詞

第八段一王者乘龍輦前導二人左右夾侍四人後書湘

君歌詞

第九段一少年人拱立後書山鬼歌詞題款在後

延祐旃蒙單閼月既生魄延陵吳炳書

口書一行

押尾

朱彥文

暉方印

第十段一女郎執花騎虎虎子隨行無題詞有印章

自伯時印

卷前及隔水綾有鑒賞印十七

卷後及隔水綾有鑒賞印十一均未記

後另紙跋

食斯飲斯興斯寐斯行斯坐斯憂斯樂斯獨言獨歌恆于斯

宋權藏識

口書一行

押尾

自宋權私印

李龍眠白描人物推爲畫家上乘此古今定評也余每覽一
眞蹟如獲鴻寶賞心久之寢食兩忘不減宋君癡癖近代摹
倣多人間有得其風味者竟稱能品展玩斯卷秀潤清曠之
態兼以吳彥暉鍾鼎篆書九歌非宋人筆墨焉能精妙若是
爲可珍也 庚子秋月江上逸光跋

行書口行

押尾

口文 笠在辛

方印 重光

方印

○秦淮海居士詩翰卷

紙本高一尺二寸長三尺七寸八分字徑寸餘

墨君颯颯風雨鳴垂鸞舞鳳翻青綬一竿珍重幾百緡奚啻渭

川三百畝金鏘玉夏宮珮聲双行婢顏謝花柳得意真從寂寞
問卓古高標壓羣醜不須辦直致湘江便覺滿窗涼意透挺然
節葉抱風孤頓應君子虛心受雷并鐸龍龍欲走櫻筍紛紛徒
適口破除肉味若聞韶王猷笑咏還依舊藉檻湘陰淨簡書接
地春華幻塵垢拂手筆端可有神往來平安慰良友前時無偶
後無繼奇寶秘靈宜永久 元豐三年上元日 淮海居士素

觀識

草書二
十二行

卷後鑒賞印見後跋

後身紙跋

卞氏式古堂書畫攷載秦淮海竹詩墨蹟云墨君颯颯風雨
鳴起至淮海居士秦觀識止此蹟草書紙本下有松月子紅

文離坤卦象印巴西鄧氏善之印吉泰和楊士奇圖書記九
字印中吳陸氏松華堂印八字印玉林質心四字印三印皆
紅文鈐縫卞氏所記如此今已失去後二印并吉泰和楊氏
印亦失其後半蓋隔水綾以後爲人剪去也又不知後有舊
跋否卞氏亦未詳言今見此間有趙氏子昂印令之清賞印
令之印失下半卞中丞字令之也書此以識之嘉慶丁卯秋

秋九月廿日北平翁方綱

楷書二
十三行

○趙千里漢高祖入關圖卷

絹本尺寸失記工筆青綠重設色山皴用泥金鉤勒點綴
景致細入毫芒卷前林下一人插旗小坐牧馬三匹一樵
夫在橋側山後旌旗無數迤邐而前轉出山坳露兵馬十
數人大纛書楚字蓋霸王兵也中作一峻嶺嶺後亦旌旗
無數嶺旁木柵屯兵前爲營門植兩旂書門字門外執盾
排行兵數十人後一人乘馬應是霸王前一人率數十人
作迎接狀應是孺子嬰此後一尖峯峯後仍藏旌旗峯側
作大石橋橋上大旗書沛字橋左作閣門門上高閣聳峙

門下一騎執旗直入門左右兩翁仲對立關內第二重門
十餘騎魚貫而入門內樓閣宮殿數重樓下人馬一簇前
騎一黃衣人應是高祖隨騎執旗旗書沛公義兵四字後
幅一前殿殿內三人一作呈圖籍狀蓋寫蕭何收圖書故
事後殿左右雙柏翁仲夾持殿內黃衣人中立亦高祖也
兩旁文武官數人殿下宮娥六人或跪或立左側三人一
馬又露旌旗一隊款在後

臣伯駒上進

小楷書
一行

卷首題

宋趙伯駒高祖入關圖

宣德二年御鑒

中押

運之寶

卷前

內府圖書之印

仲陽

柯氏敬仲

安定郡圖

書

歸州之印

鶴林小隱

子壽

兩京載筆

又花

押及半印

卷後

御府之印

木天清秘

柯氏敬仲

芝田圖書

靜心堂書畫印

又內殿

師聖印

均未詳記

後另紙跋

昔漢高帝先入關除秦苛政約法三章士民安堵有王師無

敵之風載諸典籍章章可考播諸丹青非大手筆弗克形容
之趙千里以帝室之胃習見山川雄偉皇都壯麗與夫甲騎
精強君臣相濟之狀一一摹寫宛然在目非探天工得造化
之巧者其孰能與于此 喬贊成仲山父識 □書
□行 押尾 □

仲山父印 方印

校獵上林院洗馬昆明池霜威肅笳鼓雲氣畫車騎馬班陳
賦詠衛霍綏蠻夷王風既未遠文明方在茲逶迤霄漢上鳳
凰尙來儀 至正甲申禊日偶過毘陵友人謝子蘭出此圖
徵題甚迫余欲赴玉山之約遂不及賦詩書舊詠趙千里驪

山圖句於後俟他日更爲題識也

雲林子璣

行書

押尾

□雲林子印

先入關中得計多彭城永是漢山河不操擒縱英雄手韓信

何由得倒戈 丹邱柯九思

書

押尾

柯氏敬仲方印

隴西邊武伯京觀湘中劉致

書

吳興山水不可作吳興山水含清輝峯巒嵌碧水湛綠玉鏡

倒影羣鸞飛王孫彩筆奪天造點染萬錦張雲機平寬殊似

右丞古秀潤頗逼閭令肥當時貴重不易得片紙可博千珠

璣于今況是宋人筆古蹟絕少真藏稀君從何處得此卷只

尺萬里開煙霏江神夜闔水精府山鬼晝掩芙蓉旂今朝展
玩雪正落忽見旭日光入扉乃知神妙發光怪信有神物相
憑依余家昔有高士卷白璧有價空山魏可憐一被豪所奪
至今憶此恆如飢固然清物異尤物愛而不予甯免非爲君
發此告前轍切莫容易開屏幃 趙伯駒與弟伯驥字希遠

者宋高宗嘗命二人合畫集賢殿陛稱旨賞賚特厚此伯駒
畫漢高祖入關圖鏤碧毫丹厯寒暑而後成蓋是進呈本也
曾入內府有紹興等璽可證觀者非注目決皆不能盡其妙
眞南宋名手兩泉先生得此以天球銀篋視之可耳 嘉靖

二年歲在癸未嘉平月十日長洲文徵明書

行書

押尾

白文

文徵明印

方印

朱衡山

方印

書畫鑑影卷三 卷類

利津李佐賢竹朋編輯

宋

○高宗書蕩之什詩鳥和之補畫卷

絹本高一尺一寸長三丈五尺七寸書畫分段書俱真楷
畫俱兼工帶寫

蕩之什 毛詩大雅 蕩召穆公傷周家大壞也厲王□□天
下蕩蕩無綱紀文□故作是詩也蕩蕩上帝起至□后之世止

蕩二十
五行

畫淡設色樹下一人獨立

抑衛武公刺厲王亦以自警也抑抑威儀

起至俾民大棘止

抑

三十
六行

畫淡設色武公坐牀攤卷一人侍側

桑柔芮伯刺厲王也苑彼桑柔

起至既爾作歌止

桑柔

三十
二行

畫墨筆桑二株枯枝少葉旁立一人

雲漢仍叔美宣王也宣王承厲王之烈內有撥亂之志遇裁而

懼側身修行欲銷去之矣天下喜於王化復行百姓見憂故作

是詩也倬彼雲漢

起至

曷惠其靈

止

雲漢

三十
六行

畫淡著色兩人依欄高望

松高尹吉甫美宣王也天下復平能建國親諸侯褒賞申伯也

松高維嶽起至以贈申伯止松高二十行

畫墨筆高山峻極主峯在中

烝民尹吉甫美宣王也任賢使能周室中興焉天生烝民起至

以口其心止烝民二十一行

畫著色一人秉圭獨立

韓奕尹吉甫美宣王也能錫命諸侯奕奕梁山起至赤豹黃熊

止韓奕二十行

畫淡著色坡後韓侯乘車前導後隨共七人

江漢尹吉甫美宣王也能興衰撥亂命召公率淮夷江漢浮浮

起至

令口四國止

江漢行十六

畫著色江漢波濤洶湧三人執旗前行坡後旗幟無盡

口口召穆公美宣王也有常德以立武事因以爲戒然赫赫明

明起至

王曰還歸止

常武行十六

畫著色林前三人乘騎一執旗者樹杪又露一旗

瞻卬凡伯刺幽王大壞也瞻卬昊天

起至

口救爾後止

瞻卬

行十九

畫淡着色一人在坡前拱立仰瞻

召旻凡伯刺幽王大壞也旻閔也閔天下無如召公之臣也旻

天疾威

起至

不尙有舊

止

召旻

十四行

畫墨筆川上一人拱立後兩樹並植

蕩之什十一篇

一行

卷前

朱文

□陽李廷相雙檜堂書畫私印

長方印

卷後

朱文

衍聖公毓圻鑒賞章

方印

押縫

朱文

李夢弼氏圖書

長方印

裱綾

朱文

頰鏡亭

長方印

白文

季雲審定真蹟

方印

此書已刻入玉虹鑑真帖

○朱文公手札卷

紙本高一尺四寸七分長七尺四寸凡三紙計三札字經一寸內外

第一札

熹伏蒙 別紙督過伏讀震悚顧實病衰不堪思慮若所記者
一身一家一官之事則猶可以勉強至如 元臣故老動關
國政則首尾長濶曲折精微實非病餘昏昧之人所能熟考傳
載此熹所以不得詞於 潘李諸丈之文而於 先正銘識之

屬則有取不敢當也卅年前率爾記 張魏公行事當時只據
渠家文字草成後見它書所記多或未同常以爲愧故於 趙
忠簡家文字初已許之而後亦不敢承當已懇其改屬陳太史
矣不知今竟如何也況今詞官萬一不遂則又將有 王事之
勞比之家居見擾彌甚切望 矜閔貸此餘生毋勞竭其精神
以速就於溘然之地則千萬之幸也若無性命之憂則豈敢有
所愛於先世 恩契之門如此哉俯伏布懇惶恐之劇 右謹

具

呈

朝散郎祕閣修撰朱

熹

劄子

草書十
八行

札前

白

安德□□世家

刀

又一印不辨

札後

白文

吳越忠孝之家

方印

君載

方印

第二札

熹僭易再拜上問

台眷伏惟

中外均休

賢郎昆仲具佳

侍兒輩附拜

問禮此間

有委幸

不外熹僭易再拜上問

草書

七行

札後

白文

忠孝之家

方印

又圓印不辨

第三札

熹頓首又覆竊聞

卜築鐘山以便

親養去翳塵而就清曠

使前日之所暫游而寄賞者今遂得以爲耳目朝夕之玩竊計

雅懷亦非獨爲避衰計也甚善甚盛所恨未獲一登新堂少
快心目耳蒙 喻鄙文此深所不忘者但向來不度妄欲編輯
一二文字至今未就見此整頓秋冬間恐可錄淨向後稍閒當
得具稟求 教也所編乃通鑑綱目十年前草創今夏再修義
例方定詳畧可觀亦恨未得拜呈須異時攜歸請 數日之閒
庶可就 得失耳未由承 晤伏紙馳情嘉頓首上覆行書十
五行

後另紙跋

東三傳以讀春秋事猶可畧也起至高郵龔璠京口郭畀同
觀於虎林般若僧房時八月十又四日敬書止行書
十二行

古人於墓銘碑誌起至後學楊士奇謹識止真書 押印

未記下同

古之聖賢起至長樂馬鐸敬書止真書 押印二

先賢之斷簡殘編起至莆田陳用識止真書 押印三

右子朱子晦菴先生手書凡三帖蓋京口郭昇天錫家珍藏

故物也今為其外孫何彥澄得之起至重慶蹇義謹識止真書

十七 押印二

晦翁著述文章起至東吳張洪拜書止真書 押印二

晦菴先生起至泰和王直堇題止真書 押印二

文公先生 起至 後學周孟簡謹識 止 真行 押印二

古人墨蹟 起至 廬山陳繼謹書 止 真 押印二

敬觀 起至 同郡後學查士標敬題 止 康熙乙亥八月時年

八十有一 行書 押印二

○諸名賢題徐常侍篆書卷

前額

宋諸名賢題徐常侍篆書之蹟 隸書大字

此六段爲宋賢真蹟確然無可疑者常侍是墨或亦尙在人
間珠還劍合且俟清緣 此爲宋時原裝卽此裝背之紙亦

係七百年前物豈不重可珍惜 道光二十一年辛丑閏三

月十三日海昌石友六舟禪兄過余郡寓道古竟日識此

竹里弟張廷濟

時年七十四
行書八行

押尾 文張叔未

方印

文廷濟

方印

題俱紙本

第一段高一尺一寸八分寬一尺二寸六分

觀此知宓子賤諸碑失其法多矣余友蔡晉如嘗言石刻字畫

如食鹽荔支有味其言哉

己卯三月丁未字道書

行書
五行

題前後

朱釋六舟
圓印

白文六舟所藏
方印

達受之印

方印

第二三段另紙高一尺二寸六分寬五尺五寸五分

崇甯丙戌歲胡師文觀徐常侍妙墨於儀真大漕之東堂行書

少常張公藏此書以遺其子孫又皆得其筆法可謂好學者矣

儀真秀實齋張景脩題行書

題前後朱達受方印 竹朋鑒定長方印 文朱白 達受之印方印

白 文小緣天庵長方印 六舟方印

後另紙跋

張景修字敏叔常州人治平四年進士元祐末浮梁令兩爲
憲口五領郡符大觀中遷羽部郎中詩幾千篇曰張祠部集

押尾

朱達受方印

第四段另紙第五六段接紙高均一尺一寸九分寬共四

尺一寸

蕭衍老翁論元常云行間茂密實亦難過天策上將評逸少亦稱其布織穰分疏密觀徐常侍篆愈久方見其工不可遽以輕心掉之也大觀丁亥六月三日丹陽連滄觀同閱

行書十行

彭君時

蔡天啓

蔡晉如

劉無言

行書款平列四行

後五十七

年歲在隆興甲申四月戊寅猶子岑獲觀於建康留守張安國

許

行書二十九字附於劉無言名下

綾邊跋在劉公岑書下

劉公岑字季高紹興間徽猷閣直學士 達受志

騎省自言晚乃得誦匾法今觀此卷縱橫放逸無豪髮姿媚意態其為老筆亡疑清熙辛丑仲冬乙酉朱熹觀汪伯時所藏於

西安浮石舟中

行書
五行

押尾

白文
朱熹之印

題前後

朱文

二十八宿井磚之室

方印

天平玉佛菴

方印

釋

六舟長物

方印

白文

六舟藏書畫金石之印

方印

曾向天台

行脚回

方印

後另紙跋

以上諸名賢跋語跋徐常侍篆項王亭賦其真蹟失去惜哉
未識何時珠還璧合耶朱子茲跋載在文集洎佩文齋書畫
譜第七十六卷後六百六十一年爲道光廿二年歲次壬寅
中冬海昌釋子六舟達受記於新安程氏述古堂後軒 押

尾

朱白文

達受之印

方印

第七段另紙高一尺二寸二分寬一尺一寸

徐常侍此書蓋與鐵鉤鎖同法一時君臣以藝相高遂俱入能

品惜其不以此心法治國耳隆二四七海陵查籥書

行書
三行

題前後

朱文

海昌釋達受六舟珍藏之印

方印

陸舟

方印

曾

游雁宕來

天然印

白釋達受方印

後另紙跋

查籥字元章海陵人紹興辛未進士乾道中戶部郎中總領

四川財賦司見宋史紀事海昌僧六舟注于天平玉佛閣

押尾

朱達受方印

白六舟方印

第八段另紙高一尺二寸二分寬八寸

少監伯祖云南唐徐騎省篆書遠接前秦宋張謙仲喻湍石足
相伯仲唐李陽冰工致有餘神明不足遠不逮也此騎省晚年
書雖有欹斜之勢員謹勁健其妙絕矣伯祖又云爲人不可不

學篆書篆書者文字之祖也不學篆書不足以識文字之情至
哉斯言並記云爾至正甲午下元後一日合溪後人戴在謹書
行書
六行

題後

朱同壽方印

小綠天盦

方印

後另紙跋

宋人跋徐常侍篆書五段附元人跋一段宋賢墨蹟傳世無
多而朱子書尤所罕觀今世所傳石刻多劍拔弩張之勢未
免令人滋疑惟邵武新出土黃中美神道碑款題朱子書筆
法秀逸迥無俗態此數行與黃君碑筆意絲毫不爽決爲真

蹟無疑宋人書往往側欹取妍此諸跋多用側鋒自屬一時
風尚不但與唐人迥殊元明書家亦無此風味也同治戊辰
冬日 利津李佐賢謹題 押印不記

○李晞古江南春圖卷

絹本高一尺二寸五分長二丈八尺二寸兼工帶寫淡設
色江山縣亘無盡通景分爲四段首段山半雲生村舍田
畝農夫荷鋤竹汀柳嶼小艇漁舟酒帘漁罾互相映帶漸
推漸遠幾疊嵐光計舟中人六岸上人五次段後寫近景
高峯峻嶺松竹成林中懸瀑布山下村居聯絡瓜艇拍浮

筆力尤爲濃厚計村中人四舟中人五三段峯巒疊出雨
山遙對亦帶村落遠岫雲中出沒村前人二牛三艇中人
八末段小山左右漁醫一在舟中一在岸側入後竹柵臨
水上依高峯峯下村居牛屋屋內卧牛又舟棚二棚內橫
舟後路山光平遠欸在卷末上方

李唐

楷書

上押文稽古

半印印蓋字上

卷後項氏三印未記

後另紙跋

城西蕩槩去遙背伍胥門人家枕河住漸喜歷鄉村豁然見

平田農夫荷鋤去好風低嫩苗微雨隔高樹葦間多放艇柳
下或扳留錦布芰荷蕩沙明鷗鷺汀魚梁接牛宮沽酒新郭
市迤邐到橫塘虹橋垂四趾虎山似遮路旋轉自長溪水入
太湖北雲生光福西扣舷唱吳歌有客中流過千載懷古心
悠然欲相和香徑旣云沒琴臺亦成空山頭明月上仍然館
娃宮登高信徒勞望遠發長喟閒展畫圖觀舊游一何類

吳寬題

行書十
八行

跋前後項氏六印未記

○李晞古關山雪霽圖卷

前額

關山雪霽

篆書四
大字

太常少卿兼

經筵侍書程南雲題

真書
一行

押尾

朱清軒方
印

畫紙本高九寸八分長一丈八尺三寸墨筆山林寫意人
物工細布景雪山行旅古木虬枝清溪曲水峻坂平坡危
峯峭壁驛路長橋色色匠心通幅畫人凡十三乘羸者一
乘馬者四倒騎牛者一荷繖者一牽牛者一擔楫者二荷
鋸者一荷包裹者二人馬俱凜凜有寒意洵屬傳神之筆
款在中幅樹身

李唐真書

卷前

白口口堂印方

卷後

朱孫咸夫監藏印方

白王晉卿收藏圖籍印長方

後接紙題跋

長空雲散雪新晴

起至

幾人載酒恣閒行止

東魯雪菴草書

十五行

押尾宗藩文翰印方

朔風怒號凍欲裂

起至

撫卷令人長歎惜止

莆田陳鍾行書

十四行

押尾文效古人贈言印方

又一印不辨

萬里山川積雪寒

起至

寫入君家卷裏翰止

上虞魏熙行書

十一 押尾 朱孔昭方印

李唐關山雪霽圖一卷人物樹石筆氣蒼古衝寒涉險之態
曲盡其妙非後人所能髣髴也題款著枯榦樹中甚奇精密
幾不能辨恨此卷不經好事賞鑒猶然泥沙令入薛米諸人
手必傾囊見珍矣余嘗見臨本於都下一貴戚家裝潢絕富
金玉璨璫意極寶惜顧非真蹟使葉公信好龍恐此卷終當
化去 莫雲卿題於石秀齋中 行書十 押尾 白莫雲卿印

方印 莫廷幹氏 方印

余兩人 起至 聊志余感如此 止 何涪之題於劣容園之

蕭蕭室行書九行 押尾朱何印長方 文何氏仲雅方印 白梅

幾閣方印

萬歷癸未五月起至 識者宜寶藏之止 吳江顧大典題於

金陵之晤元室行書九行 押尾白顧大典印方 文吏兵刑三

部尚書郎印方印 文清音閣印方印

余嘗見李唐七賢過關關山積雪洛陽風雪圖今見此卷筆

意氣韻相似起至 子虛其寶之止 萬歷甲申冬日書于白

榆社之酌斗亭郭弟行書五行 押尾白口父氏印方

今年入新安起至 因書數語歸之止 甲申蜡月沈明臣行書

三 押尾白明臣長方印

昔人懸雪山圖起至千秋里人汪道昆跋止行書入行押尾白

汪道昆印方白印文白玉方印

新城王大司寇池北偶談一則 今世傳孟襄陽起至凡二

人止行書行數失記

德水田司徒古歡堂集一則 世傳七賢過關圖起至摩詰

圖中詩興長止行書十一行

余觀李唐此卷筆意既古風神亦肖圖中六人顧盼如生殆非時筆所能辦也爰考漁洋山薑二公所記二則此或唐人

出遊之粉本斷非八子七賢關山雪霽亦未必然耳雍正七年太歲己酉六月廿六日雨窗展閱東華十丈軟紅一時盡

滌 玉亭所慨贈 珠江其實之 納刺峻德 行書十 押

尾 朱 第五 方 文峻德 方 文克明 方

己酉夏西軒雨後觀 納刺良誠 行書 押印不記

○劉畫亭山莊消夏圖卷

絹本高二尺長三尺工筆設色下段起手圍牆迤邐園門半掩門左右植柏七株小山夾峙山上喬松兩株門內芳徑曲欄雕楹畫棟一偉丈夫昂首前行前導三人後從六

人遙立一鶴中幅夏屋宏深旁舍聯絡俱雕甍刻桷頗類
宮殿階阼棟牖皆用界畫細如毫髮偏左方亭翼然中設
琴牀方几几上鼎彝陳列亭前四人二擡几者一背胡牀
者一捧盒者又有一鶴一鹿石几荷盆蕉石梭櫚之屬點
綴芳園亭左一棚中陳石案羅列盆景供怪石芳蘭棚外
臨水菡萏正放眺遠空濶方亭後修竹千霄園石雜木成
林林際浮圖矗立上段崇山疊嶂梵宇深藏巨壑飛瀑曲
欄小亭杉林無際題欸在起手小山上微茫難辨諸審方
見

松年眞書

卷後

宋文

王澍字□霑號雲龍

方印

自文

王□珍字玉聘號待

庵

方印

又一印不辨

後另紙跋

山莊消夏圖款題松年二小字在起手石上幾不可辨甫田
集謂畫宮室最難爲工須折算無差乃爲合作畫品謂郭忠
恕屋宇樓閣自成一家棟梁楹桷望之中虛若可躡足闌楯
戶牖若可捫厯而開閣之也此圖山莊別墅備極瑰麗千棖
萬桷曲折高下纖悉不遺而設色雅靜較之忠恕未敢多讓

至其人物雖纖而神情各肖山石樹木筆筆細謹宋畫院體
大抵如是今人不肯爲亦不能爲矣 李佐賢

○夏禹王長江萬里圖卷

絹本據江村銷夏錄載高七寸長三丈三尺餘墨筆欸在
起手石上

臣夏圭

眞書
一行

卷前後有天愿璽未詳記

後跋柯九思王汝玉王穉登各一段俱見銷夏錄未詳記
此編皆載余所寓目者獨此卷聞而未見今尙在山左友

人多有見者皆贊美無異詞且曾經高江村鑒定知爲真蹟無疑故破格載之

○夏禹玉晴江歸棹圖卷

前額

引首

白隴西長文印

晴江歸棹

篆書

長沙李東陽書

行書一行

押尾

朱文賓之印方

圖紙本高一尺二寸八分長一丈六尺五寸五分墨筆寫意山用大斧劈皴通體淡墨渲染江山浩渺行舟一泊舟

二舟內人一岸上拄杖攜琴人各一雁陣一行款在卷末

臣夏珪

書

上押

文

御府圖繪之記

方

卷前

文

鳳閣之寶

方

青琅館書畫印

長

方

賈似道圖

書子孫永寶之印

柯九思印

又半印不辨

白華農

私印

方

卷後

文

悅生

壺盧

賈似道印

方

又長半印不辨

白

補菴居士

方

霞庵鑒賞

方

前後界綾

文

煙客鑒定

兩

方

後另紙跋

世稱夜光莫與敵何如夏君神妙筆蒼然勁鐵腕有靈開圖
展對人愛惜青山隱隱江重重懸岸一澗飛晴虹中流一棹
者誰子隨風蕩漾開天空柳隄高士來何處時復攜琴過溪
去忽聞天外落虛鐘一曲漁歌碧雲曙當年畫院不乏人紛
紛丹碧失天真醉來漫瀉金壺汁吮毫落紙無纖塵古今世
事如棋局碌碌常懷看山福推窗長嘯天地秋短句深慚爲
尾續 紫芝山人俞和 行書十
三行 押尾 白文 紫芝山人 方印 朱

俞和

方印

漠漠江天吳楚分幾重樹色幾重雲客星已逐歸帆去誰道

溪邊有隱君

大癡道人黃公望

行書
三行

押尾

朱大癡
長方印

白黃氏子久

方印

朱

一峯道人

方印

錢塘夏禹玉畫筆蒼老墨汁淋漓畫院中人物山水自李唐

而下無能出其右者吾友邱世嚴有風雪歸莊圖與此不相

上下但境界稍寥落耳此卷醞釀墨色麗如傳染殆荆關以

上人也

柯九思

真書
五行

押尾

朱

柯氏敬仲

方印

朱訓忠之

家方印

跋後

朱

青琅館書畫記

長方印

白補菴居士

方印

華氏珍

玩

長方印

右晴江歸棹圖爲夏珪所作禹王其字錢塘人也爲宋甯宗
朝畫院待詔有賜金帶之寵善畫人物山水醞釀墨色麗如
傅染筆法蒼古氣韻淋漓足稱奇作又嘗學范寬此卷或爲
王洽或爲董巨米顛而雜體兼備變幻間出吾恐穠妝麗手
視此何以措置於間哉今 補菴所藏禹王畫卷不止三四
而未若此全以趣勝者也 嘉靖元年冬十月二日 文徵
明題

行書十
七行

押尾

白文徵明印方

朱文徵仲印

○梁待詔十六羅漢卷

紙本高一尺四寸二分長二丈五尺計五紙凡四接墨筆

人物衣褶紋用粗筆方折如篆隸餘用細筆羅漢凡十六
第一尊曳杖前行二童隨後一捧鉢一執扇第二擎瓶第
三袖手第四曳塵背向皆作回顧狀一猿獻桃第五扶一
侏儒拄杖行後隨行四人一執小獸一捧盤一牽巨獸一
捧盤內貯犀角第六拱立第七執器不可名後一長鬚奴
執圓蓋似笠第八拄杖立眉垂至胷第九執香斗篆煙結
成樓閣第十向空拜手後一童負兵器第十一舉雙袖兩
目下視後隨二人一捧鉢一捧盤貯牡丹第十二偏袒露
右臂後一奴攜花籃第十三袖手拱立第十四拄杖攜童

第十五祖胷執手回顧一童倒瓶放出伏龍龍作人形露
尾拱向尊者下作雲氣第十六伏虎羅漢一虎在左後一
人端立眉宇高聳氣概尊嚴類天王像又一人偃僕拱揖
類山神又一人帶劍參立鬼卒執旗執戈護從在後共五
六人卷末怪石高撐題款在卷後下角

御前口書梁楷真書押尾朱文金門待詔方印朱梁楷方印俱蓋字
上

卷前

朱文

卧庵所藏

方印

休甯朱之赤鑒賞

長方印

前界綾

朱文

邦江汪氏圖書

長方印

自密齋珍藏

方印

後界綾

白陳淮私印方

夢禪室方

商邱陳氏家藏方

後另紙跋

引首

朱王氏禹卿長方

董文敏畫禪室書記論仙佛人物後人不若前人斯人物當
 以唐宋為宗後之學者不可另開生面也然由今溯唐代遠
 年湮縱呵護有靈亦不易數見降及於宋人才之多於斯為
 盛矣今觀葑洲中丞所藏書畫宋元名蹟往往有之如李龍
 眠蓮社圖卷用筆正如春蠶吐絲鬼斧神工莫可名狀而草
 木華滋雲物秀發正不啻米南宮之敘西園雅集也其一則

梁待詔十六應真卷筆意高古俊逸純用中鋒諦觀之自覺
靜深端麗備極莊嚴世有龍眠直可與之聯衡並駕矣希世
之珍永宜祕寶時 乾隆己酉夏四月既望漢皋寓齋獲觀

因識跋語於後丹徒王文治記

行書十
六行

押尾文白王文治印

方白曾經滄海印

梁楷爲東平相義之後善畫山水道釋鬼神嘉泰時爲畫院
待詔賜金帶不受挂於院內號梁風子傳世畫皆艸艸謂之
減筆見圖畫寶鑑此卷變幻奇詭莫可端倪而窮形盡相不
知費幾許經營慘淡與草草減筆者迥殊自係此老着意之

作宋時畫僊佛李龍眠最稱高手然專以工細勝人此則粗
細互用與之分道揚鑣自成一時瑜亮衣褶紋圓勁而多方
折類籀文古篆不當僅以畫法觀之 利津李佐賢竹明氏
跋行書 押印不錄
十行

○白真人詩翰卷

紙本高一尺三寸八分長六尺九寸字徑一寸內外

奉題 仙廬峯六詠 紫青白 玉蟾

丹光亭 仙人不見張驚喜尙有藥爐荒碧苔亭下丹光猶夕
夕我今辦此恰方纔 藏丹巖 想得金丹初熟時無人堪與

乃茲之巖前穴有六七蹟人不能尋鬼不知 梯雲棧 莫把

凡胎問聖胎君看石壁是誰開後來喚作梯雲棧不是好仙那

肯來 聽鶴臺 心知有路透青雲不可將機泄與人來此臺

邊時自聽鶴來則去去超羣 宜詔石 帝遣朱衣司命君火

鈴捧詔此中宜臺石上宜臺下聽一宜詔罷上三天 整衣壇

仙骨瘦來無一把却將鶴子養教肥鶴肥不可還同瘦舊上

天時此

三字半缺 整衣 行書共二十六行

卷前

白文竹垞審定 長方印

卷後

朱文閑曠齋珍賞印 方印

來青閣

長方印

白文林氏曾觀

方棟亭祕玩印 又兩印未記

○趙子固四香圖卷

紙本高一尺二寸五分長七尺九寸水墨工筆白描畫梅
蘭木香水仙四種折枝花交柯接葉活色生香枝幹花葉
俱用雙鉤細勒筆清墨潔題在後

丁巳仲冬望日子固畫

真書一行

押尾

朱彝齋印

白子固畫印

印方

卷前

朱怡親王寶印方

明善堂珍藏書畫印記

印方

口王

齋賞鑒過物印

卷後朱元龍方

後另紙跋

魯庵尊師以彝齋白描四齋命作韻語云 山村老夫仇遠
淡墨英英妙寫真一花一葉一精神繁香曾入廬山夢遺佩
如行湘水春小白凝珠還勝雪輕黃承襪不生塵老僧懶作
浮雲想空谷猶疑見是人 延祐丙辰花朝書於北橋之舫

齋行書 押尾朱山村居士方

四花爭秀依稀香霧相和老眼不妨縱賞江南春色何多

西秦張模行書 押尾白西秦張模方

四種生香混一雲近來無鼻爲君聞不如閉目知花態清與

吾心表裏分酸齋

行書

押尾

朱酸齋印

皇慶癸丑予居山陰十峯雙澗之振宗堂越明年友人以子

固所作四香爲遺又明年攜歸於杭辱三君子之品題予雖

不敏亦搜枯以殿其後錢塘釋普惠

行書

押尾

朱錢塘沙

門普惠魯庵

印

中山毛穎絕狡獪幻出四種迷眼界尋常鼻觀何曾知只有

老禪心領會謫仙已作騎鯨遊遺墨零落今幾秋當時離騷

失兼收深林無人幽谷幽黃山李鳴鳳

行書

押尾

白李鳴

鳳印方 朱黃山書房印方

造化冥驅妙入神天然點墨直千金維城志畧今何有四種

清芬一片心友人吳迪爲書行書 押尾朱文 心玉壺盧印

宋名人花卉大都以設色爲精工獨趙孟堅不施脂粉爲能

於象外摹神此卷四薌種種鉤勒種種脫化秀雅清超絕無

畫家濃豔氣真奇珍也卷尾題詠皆出元季名流尤足愛玩

展覽之餘不忍釋手漫識數語於後 嘉靖壬辰十月二日

文徵明書行書 押尾白文 文徵明印方 朱衡山印方

書畫彙考載此卷題識悉合惟云蘭杏水仙梅花四種則

有誤今按卷內有木香非杏也

○宋人江山靜釣圖卷

絹本高尺餘長八尺餘未詳記墨筆寫意前段江上扁舟
一人垂釣近岸沙磧數重垂柳幾樹遠岸羣峯稠疊中段
沙磧上依山植春架茆屋數間旁有平臺岡巒雄厚林木
叢雜中藏村舍前一柴門後段傍山架屋屋內一人依欄
而坐兩山之間澗水流沙上跨板橋橋後一人拄杖前來
近山三疊遙露浮屠梵宇並遙山無盡無歛外簽題巨然
江山靜釣圖惜無確據未敢遽定然墨氣沈厚筆力圓渾

確屬宋人名作也

幅前文緝熙殿寶方重王口之印口學士半墨印

幅後文孟津王鑑世寶長方印公口半印

後另紙題款

建炎二年除日河南邵溥觀於蜀成都

款後文隴西李祁方印